

Feja e Krishterë Orthodhokse



Dy janë burimet prej të cilave rrjedhin mësimet e fesë së Krishterë Orthodhokse: Shkrimi i Shenjtë dhe Tradita e Shenjtë.

Shkrimi i Shenjtë: Kur ne themi “Shkrimi i Shenjtë” nënkuptojmë përmbledhjen e atyre librave që u shkruan nga njerëz të devotshëm nën drejtimin dhe frymëzimin e Shpirtit të Shenjtë. Për këtë arsye ato quhen, dhe janë në fakt, të frymëzuara hyjnishmërisht. Shkrimi i Shenjtë është kryesisht Libri Fetar i njerëzimit, sepse ai përmban të vërtetën e zbuluar nga Perëndia tek njeriu. Është e vërtetë që në shkrimin dhe formulimin e kuptimeve dhe fjalëve të Shkrimit të Shenjtë, faktori njerëzor bashkëpunoi me atë hyjnor. Dhe faktori Hyjnor, që është Shpirti i Shenjtë, garanton për Shkrimin e Shenjtë pagabueshmërinë e tij. Meqenëse Shkrimi i Shenjtë është i frymëzuar hyjnishmërisht, ai është gjithashtu i pagabueshëm. Do të thotë, çdo gjë e shkruar në të është absolutisht e vërtetë dhe reale, edhe nëse mund të jetë e vështirë për ne, në një shkallë më të vogël ose më të madhe, për ta kuptuar atë. Megjithatë mënyra, me anë të së cilës parashtrohen dhe shpallen të vërtetat Hyjnore, dialekti dhe stili gjuhësor, i përkasin faktorit njerëzor dhe janë në varësi të aftësive letrare të autorëve të librave të Shkrimit të Shenjtë. Shkrimi i Shenjtë e shpreh këtë të vërtetë me fjalët: “njerëzit e shenjtë të Perëndisë kanë folur, të shtyrë nga Fryma e Shenjtë” (II Petrit 1:21). Që do të thotë se Fryma e Shenjtë ndriçoi autorët njerëzorë të cilët vunë në dispozicion të Tij aftësitë e tyre

racionale dhe gjuhësore. Fryma e Shenjtë i ndriçoi ata dhe i ruajti nga gabimet duke bërë që ata të shkruanin vetëm atë që Perëndia u zbulonte.

Të gjitha librat e Shkrimit të Shenjtë të shkruara para Krishtit përbëjnë Dhiatën e Vjetër. Dhiata e Vjetër ka dyzet e nëntë libra. Ato përmbajnë të vërtetat e zbuluara nga Perëndia dhe ngjarje, të përshkruara nën udhëheqjen dhe frymëzim Hyjnor, që ndodhën para lindjes së Zotit tonë Jisu Krisht. Të gjithë librat e Shkrimit të Shenjtë të shkruara pas Krishtit përbëjnë Dhiatën e Re. Ata janë njëzet e shtatë në numër dhe përmbajnë ato të vërteta që Zoti ynë ia zbuloi botës. Librat e Dhiatës së Vjetër dhe të Re janë ndahen, sipas përmbajtjes së tyre, në kategoritë e mëposhtme: Libra historikë, didaktik dhe profetik dhe janë si më poshtë:

1- Shkrimi i Shenjtë

A. Dhiata e Vjetër

Librat Historikë

Zanafilla 13. I Kronikave

Eksodi 14. II. Kronikave

Levetiku 15. I Ezdra

Numrat 16. II Ezdra

Ligji i Përtërirë 17. Nehemia

Jozeu 18. Tobisë

Gjyqtarëve 19. Juditës

Ruthi 20. Esteri

I Mbretërve 21. I Makabejve

II Mbretërve 22. II Makabejve

III Mbretërve 23. III Makabejve

IV Mbretërve

II. Librat Didaktikë ose Poetik

24. Psalmet 28. Kantiku i Kantikëve

25. Jobi 29. Urtësia e Solomonit

26. Fjalëve të Urta të Solomonit 30. Urtësia e Sirakut

27. Eklesiasti

III. Librat Profetikë

31. Hosea 41. Zaharia

32. Amos 42. Malakia

33. Mikaia 43. Isaia

34. Joeli 44. Jeremia

35. Abdia 45. Baruku

- 36. Jonai 46. Vajtimet e Jeremias
- 37. Naumi 48. Jezekeli
- 38. Abakumi 49. Danieli
- 39. Zefania
- 40. Hagai

B. Dhiata e Re

I. Librat Historikë

Ungjilli sipas Shën Mateut

Ungjilli sipas Shën Markut

Ungjilli sipas Shën Llukait

Ungjilli sipas Shën Joanit

Veprat e Apostujve

II. Librat didaktikë

Letra e Pavlit drejtuar Romakëve

Letra e parë e Pavlit dërguar Korinthusve

Letra e dytë e Pavlit dërguar Korinthusve

Letra e Pavlit dërguar Galatasve

Letra e Pavlit dërguar Efesianëve

Letra e Pavlit dërguar Filipianëve

Letra e Pavlit dërguar Kolosianëve

Letra e parë e Pavlit dërguar Thesalonikasve

Letra e dytë e Pavlit dërguar Thesalonikasve

Letra e parë e Pavlit dërguar Timotheut

Letra e dytë e Pavlit dërguar Timotheut

Letra e Pavlit dërguar Titit

Letra e Pavlit dërguar Filemonit

Letra e Pavlit dërguar Hebrenjve

Letra e përgjithshme e Jakovit

Letra e parë e përgjithshme e Petrit

Letra e dytë e përgjithshme e Petrit

Letra e parë e përgjithshme e Joanit

Letra e dytë e përgjithshme e Joanit

Letra e tretë e përgjithshme e Joanit

Letra e përgjithshme e Judës

III. Libër Profetik

27. Zbulesa (Apokalipsi) i Joanit

Librat e Shkrimit të Shenjtë u shkruan nga njerëz të ndryshëm në kohë të ndryshme, nga koha e Moisiut (1500 Para Krishtit) deri në kohën që ndërroi jetë Apostulli i fundit (100 Pas. Krishtit) Shën Joan Ungjillori. Shumica e librave të Dhiatës së Vjetër u shkruan në Hebraisht; disa u shkruan në gjuhën Aramaike dhe pak në Greqisht. Librat origjinalë të shkruar në Hebraisht dhe në gjuhën Aramaike u përkthyen në gjuhën Greke gjatë shekullit të tretë Para Krishtit për dobi të atyre Judenjve që jetonin në tokat greke ku flitej Greqishtja dhe që nuk kuptonin më Hebraisht. Ky përkthim është përkthimi i famshëm i Shtatëdhjetë përkthyesve dhe quhet Septauxhenta. Të gjithë Librat e Dhiatës së Re u shkruan në gjuhën Greke. Shën Pavli shpjegon qëllimin për të cilin u shkruan librat e Shkrimit të Shenjtë: “I gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim me drejtësi, që njeriu i Perëndisë të jetë i përkryer, tërësisht i pajisur për çdo vepër të mirë” (II Timoteut 3: 16-17). Që do të thotë se i gjithë Shkrimi i Shenjtë është i frymëzuar hyjnishmërisht dhe u shkrua nën ndriçimin dhe udhëheqjen e Shpirtit të Shenjtë, dhe qëllimi i tij është në dobi të njeriut. Shkrimi i Shenjtë mëson të vërtetën, ai paralajmëron dhe zbulon gabimet dhe deviacionet e njeriut; ai korrigjon mëkatarët dhe edukon njeriun në përvetësimin e virtyteve të cilat Perëndia i pret prej tij. Vetëm në këtë mënyrë besimtari përsoset dhe ngrihet moralisht në çdo vepër të mirë.

– [Radio Ngjallja / Facebook](#)